

ҚАУІПСІЗДІК

«Кибер Тұмар» ақпараттық қауіптен қорғайды

Халықаралық балаларды қорғау күніне арналған «Қазақстан балалары» республикалық онкүндігі аясында облыстық отбасы үлгісіндегі балалар ауылы және «Үміт» балаларды қолдау орталығының тәрбиеленушілері Өскемен қаласындағы №3 Халыққа қызмет көрсету орталығы мен «Oskemen hub» өңірлік IT-хабына барды.

Іс-шараның мақсаты – жасөспірімдерді өз дербес деректерін қорғауға үйретіп, мемлекеттік қызмет түрлерімен таныстыру. Сонымен қоса, жастар арасында интернетті қауіпсіз пайдалану тәжірибесін қалыптастырып, ықтимал қауіп-қатерлердің алдын алуға бағытталған.

– Бүгінде цифрлық технологиялар адам өмірінің ажырамас бөлігіне айналды. Ал балалар оны тек қолданып қана қоймай, цифрлық кеңістіктегі қауіпсіздік пен жауапкершіліктің маңызын түсінулері тиіс. Сондықтан осындай іс-шаралар цифрлық сауаттылықтың негізін қалыптастыруға септігін тигізери сөзсіз, – деді «Азаматтарға арналған үкімет» мемлекеттік корпорациясы» КЕ АҚ ШҚО бойынша филиалының директоры Азамат Есембулов.

Мамандардың айтуынша, қаладағы №3 Халыққа қызмет көрсету орталығы мен «Oskemen hub» өңірлік IT-хабындағы экскурсия барысында жасөспірімдерге берілген кеңестер қазақстандық балаларды желідегі қауіп-қатерлерден қорғап, қолайлы онлайн кеңістік құруға бағытталған «Кибер Тұмар» ақпараттық құралдар жиынына негізделіп дайындалған. Осыған орай «Oskemen hub» алаңына барған балалар «Болашақ осында басталады» интерактивті



Руслан АҚМАТАЛИЕВ

іс-шараға қатысып, цифрлық мәдениет және интернеттегі қауіпсіз мінез-құлық туралы ақпарат алды.

Іс-шараға қызығушылықпен белсене қатысқан жасөспірімдер өздеріне қажет, әрі пайдалы ақпарат алғандарын ерекше атап өтті.

– Өзімізге керекті құжаттарды қалай рәсімдеу керектігін біліп, дербес деректерді қорғау бойынша қауіпсіздік қағидаларымен таныстық. Осылайша, мамандар бізге онлайн қатерлерден сақтанудың айрықша рөлге ие екенін түсіндірді. Сонымен қоса, медиаөнімдердің пайда болуы, олардың таралуын қызықтап, инновациялық технологияларды қолданудың арқасында жаңа мамандықтарды игеруге, әлеуеті зор IT саласын меңгеруге болатынын білдік, – деді іс-шара қатысушысы Рината Шемпаева.

Ұйымдастырушылар бұл бастама бұдан кейін де жалғасатынын айтып, жасөспірімдерді ерте жастан цифрлық сауаттылыққа, цифрлық гигиена мен ақпараттық қауіпсіздік ережелерін сақтауға үйрететінін алға тартты.

ғау жолдары

тауарларды шығару мерзімін тоқтата
түту уақыты өткен соң, өскен